

4. Fyrir þá þjónustu B.V. sem veitt er utan venjubundins vinnutíma skal notandi aldrei greiða lægra gjald en sem samsvarar þreföldu gjaldi skv. 3. lið þessa kafla. Vari þjónustan lengur en 3 klst. skal greiða aukalega fyrir hverja klst. er samsvarar yfirvinnukaupi viðkomandi starfsmanna með launatengdum gjöldum.

V. Ýmis ákvæði.

1. Bæjarstjórn er heimilt að hækka eða lækka gjöld þau sem ákveðin eru í I., II. og III. kafla þessarar gjaldskrár, um allt að 20%, enda sé breytingin staðfest af iðnaðarráðuneytinu áður en til hennar kemur.
2. Gjaldskrá þessi er miðuð við raforkukaup samkvæmt samningi við Rafmagnsveitur ríkisins. Stöðvist flutningur raforku frá landi í samfleytt einn mánuð eða lengri tíma, hækkar rafmagnsverðið frá gildandi gjaldskrá um allt að 50% fyrir jafnlangan tíma.
3. Heimilt er, með samþykkt stjórnar veitunnar, að selja rafmagn samkvæmt sérstökum samningi.
4. Heimilt er að takmarka eða stöðva notkun tækja, sem valdið geta truflunum á veitukerfinu og/eða óþægindum hjá öðrum notendum.
5. Þegar um sérstakar aðstæður er að ræða, svo sem tímabundna notkun mikils afls eða lágan ársnýtingartíma, geta Bæjarveitur Vestmannaeyja takmarkað val notenda við ákveðna gjaldskrárliði, eða gert sérstaka samninga um skilyrði fyrir tengingu.
6. 24,5% virðisaukaskattur, er innifalið í gjaldskrá þessari, nema annað sé tekið fram.

Gjaldskrá þessi staðfestist hér með samkvæmt vatnalögum nr. 15, 20. júní 1923 og orkulögum nr. 58, 29. apríl 1967 til þess að öðlast gildi við birtingu og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 433 16. september 1991.

Iðnaðarráðuneytið, 3. október 1991.

F. h. r.

Björn Friðfinnsson.

Steinunn Bjarmann.

30. september 1991

Nr. 475

SKIPULAGSSKRÁ

fyrir sjóð til minningar um Odd Ólafsson.

1. gr.

Sjóðurinn ber nafnið: Sjóður Odds Ólafssonar. Heimili hans og varnarþing er í Reykjavík.

2. gr.

Stofnaðilar sjóðsins eru: Öryrkjabandalag Íslands (ÖBÍ), Hússjóður öryrkjabandalagsins og Samband íslenska berkla- og brjósthollssjúklinga (SÍBS).

3. gr.

Stofnfé sjóðsins er kr. 15.000.000,00. Hver stofnaðili leggur sjóðnum til kr. 5.000.000,00 auk verðbóta í samræmi við breytingar á lánskjaravísitölu frá stofndegi til greiðsludags.

Stofnfé greiðist þannig, að hver stofnaðili greiðir á stofndegi sjóðsins kr. 1.000.000,00 og síðan eina milljón árlega, auk verðbóta á þá greiðslu, uns stofnframlagið er að fullu greitt. Gjafir og önnur framlög í sjóðinn skulu leggjast við höfuðstólinn.

4. gr.

Tilgangur sjóðsins er að styrkja:

1. Rannsóknir á fötlun og fræðslu um hana.
2. Forvarnir í þágu fatlaðra og endurhæfingu þeirra.
3. Rannsóknarverkefni á sviði öndunarfærasjúkdóma og fræðslu um þá.
4. Forvarnir og endurhæfingu vegna öndunarfærasjúkdóma.
5. Fatlaða til framhaldsnáms og rannsóknarstarfa.

5. gr.

Stofnaðilar tilnefna hver um sig einn mann í stjórn og einn til vara til tveggja ára í senn. Stjórnin skiptir sjálf með sér verkum.

Stjórnin fer með málefni sjóðsins og tekur ákvörðun um úthlutun úr honum. Hún auglýsir í fjölmiðlum eftir umsóknum, sem skulu studdar ítarlegri greinargerð um framkvæmd og markmið þess verkefnis sem um er að ræða.

Stjórnin skal halda gerðabók um alla starfsemi sjóðsins.

6. gr.

Úthluta skal árlega úr sjóðnum. Fyrsta úthlutun fer þó fram 1994, og er þá heimilt að úthluta öllum eignfærðum vöxtum. Stjórn sjóðsins er heimilt að fella niður úthlutun, að hluta eða öllu leyti, enda sé ástæða þess rökstudd í gerðabók sjóðsins.

7. gr.

Höfuðstóll sjóðsins er framlög stofnaðila og aðrar tekjur samkv. 3. gr. Stjórninni er ávallt skylt að ávaxta fjármuni hans með hagkvæmasta hætti.

Til úthlutunar styrkja má eingöngu verja vaxtatekjum sjóðsins. Höfuðstóllinn skal ávallt standa óskertur.

Falli úthlutun úr sjóðnum niður eitt ár, að hluta eða öllu leyti, er stjórninni heimilt að ráðstafa niðurfelldri úthlutunarupphæð til úthlutunar næsta ár, að öðrum kosti leggst hún við höfuðstólinn.

8. gr.

Reikningsár sjóðsins er almanaksárið. Stofnaðilar tilnefna hver um sig einn endurskoðanda fyrir sjóðinn til tveggja ára. Þeir skulu yfirfara og árita reikninga sjóðsins ásamt stjórnendum og löggiltum endurskoðanda.

9. gr.

Að tillögu stjórnar sjóðsins má aðeins breyta skipulagsskrá þessari ef allir stofnaðilar samþykkja það. Verði sjóðurinn lagður niður skulu eignir hans renna til stofnaðila í hlutfalli við greidd stofnframlög.

10. gr.

Leita skal staðfestingar dómsmálaráðuneytisins á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 30. september 1991.

F. h. r.
Þorsteinn Geirsson.

Fanney Óskarsdóttir.